

王云五主持

續修四庫全書提要

八

台灣商務印書館發行

王雲五主持

續修四庫全書提要

臺灣商務印書館發行

史

部

第四冊

光緒嘉善縣志三十六卷 光緒二十年刊行本

知縣事江峰青主修。邑人顧福仁總纂。是志首凡例。及圖十六幅。卷一至卷四志區域。其目曰。星野。沿革。道里。山川。水利。城池。鄉鎮。村莊。街巷。古蹟。橋梁。冢墓。卷五六志建置。其目曰公署。學校。書院。倉廩。寺觀。坊表。卷七八志秩典。其目曰文廟。祠祀。鄉飲。錫賚。贈卹。風俗。卷九至十二志食貨。其目曰戶口。郵政。土田。賦稅。漕運。鹽法。物產。卷十三志武備。其目曰兵防。譯傳。卷十四至十五志官師。其目曰職官。名宦。卷十六至十八志選舉。其目曰科貢。武科。徵辟。例監。例敘。封贈。世廕。儒士。書士。卷十九至二十九志人物。其目曰名臣。官業。理學。忠義。孝友。行誼。文苑。隱逸。僑寓。藝術。仙釋。列女。卷三十至三十三志藝文。其目曰書籍。奏疏。雜文。詩詞。卷三十四至三十六曰雜志。其目曰祥異。外紀。舊序。案此作極爲不苟。然大率宗本萬志。條目略未更易。特易子目而已。力求詳備。而不免失之於繁。選舉志中之例貢例監。各立端目。儒士。舉官。書士。壽民。壽之累牘。是亦不可以已乎。寺觀仙釋。數列尤備。詳皆亦列專目。外紀一篇。凡所採錄。多爲神異不經之說。雖出紀載。隣於祠贊。亦一病云。

天啓海鹽縣圖經十六卷 天啟二年刊行本清代補刻

知縣事樊維城主編。邑人胡繼亨纂修。是編卷一至卷四曰方域篇。其目八。曰圖。曰表。曰建置考。曰治

城·曰坊鎮鄉圖·曰職署·曰名勝譜·曰風土記·卷五六曰食貨篇·其目六·曰戶口·曰田土·曰稅糧·曰役法·曰課程·曰鹽課·卷七曰戌海篇·卷八曰隄海篇·卷九十曰官師篇·其目十·曰令長·曰丞尉·曰學職·曰監漢·曰監稅·曰市舶·曰巡檢·曰鹽司·曰倉職·曰武秩·卷十一至十五曰人物篇·卷十六曰雜識篇·凡爲七篇·都十六卷·案州縣志隋唐間率稱圖經·宋代尚有沿用者·如朱長文之吳郡圖經是也·茲編立體簡要·文亦淹雅近古·其成海隄海兩篇·尤爲煌煌鉅製·胡製方孝輔·固爲一時大手筆·而主其事者·邑令樊維城·尤好表章文獻·卽同時主輯鹽邑志林者也·商榷體例·宜其精詳·遂成明代佳志云·此本前數卷仍爲天啟原刻·殘缺處乃邑人陳訓憲補刻印行者也·

乾隆海鹽縣續圖經七卷 乾隆十三年刊本

知縣串王如珪主修·邑人陳世倌錢元昌總纂·海鹽圖經·作於明天啟朝之胡巖亭·清康熙朝·彭孫貽楊鼎繼起修纂·然皆稿具而未付刊·彭楊之作·蓋依倣胡氏體例·未嘗有所更張·此編則襲圖經之名·而稍變胡氏之例·其卷一方城篇·爲目與前同·卷二食貨篇·增目五·曰蠲卹·曰賦役全書·曰漕運·曰屯田·曰屯運·卷三成海篇·卷四隄海篇·目同前·卷五官師篇·去倉職·前代武秩·衛所世職·衛幕·增署知縣·兩場大使·武員新職·卷六人物篇·則斷自明天啟後·增荐辟去供奉·外寓·科目·論贊·易承祿爲吏祿·卷七雜識篇·改析爲一二三·詳爲較其不同之處·亦各有說·朝代更易·賦稅有現行法·此食貨之不得不改也·官職既更·職守皆易·此官師之不得不改也·惟署任知縣·自可列於責任之內·注署卽可·似不必另立一目·勳明代諸職·則自天啟以後之明代職官·遂無以附見·亦一失云·

光緒海鹽縣志二十一卷光緒三年刊行本

署縣事王彬重修。邑人徐用儀纂輯。是志卷首爲圖九。卷二縣表。卷三職官表。卷三選舉表。卷四至卷八輿地考。卷九卷十食貨考。卷十一典禮考。卷十二武備考。卷十三祥異考。卷十四名宦錄。卷十五至卷二十二人物傳。卷末爲雜記。凡爲表三。爲考四。爲錄一。爲傳之目七。而列女傳上中下三卷。具人物傳末。郡爲二十二卷。案此志體制略近時編。眉目既清。殊便省覽。凡所採錄。皆注書名於上。亦較明確。蓋明志圖經通志郡志諸書。蒐羅已富。醫諸人五都之肆。貨物充盈。取携自便。第善立體例。不難成佳製耳。時代殊異。成海之篇。自可併入兵制。而隄海之工實重。則海塘承之。凡諸措置。皆復井然。惟祥異一考。獨前一卷。雖他志亦有此例。然未足爲法。歸諸雜記可矣。

康熙石門縣志十二卷康熙十五年刊本

知縣事鄭世培主修。螺陽杜森纂修。是志卷一二曰紀疆。爲目十。曰縣表。沿革。星野。城濠。封域。山川。河梁。賦役。物產。古蹟。卷三曰紀制。其目八。曰公署。郵舍。倉廩。壇壝。廟祀。寺觀。坊表。墳墓。卷四曰紀官。其目八。曰官制。縣職。師儒。驛官。陰陽僧道官。駐防。名宦崇祀。循良。卷五曰紀士。其目十。曰荐辟。進士。鄉舉。歲貢。貢監。戚畹。妃封。任子。武職。僚吏。卷六曰紀獻。其目九。曰鄉賢。崇祀。政事。文學。高行。篇誼。才藝。列女。鄉飲。卷七至十曰紀文。其目五。曰記。序。雜

文詩賦·卷十一曰紀聞·其目三·曰災祥·風俗·遺事·卷十二曰外紀·其目四·曰仙·釋·方伎·叢談·凡爲紀八·隸目五十有五·都十有二卷·案石門越之繁兒地·亦稱語兒·五代時始爲崇德縣·歷宋元明·迄於清初·康熙元年·始稱石門·自宋淳祐始有語溪志·明正隆萬三朝·皆有崇德縣志·今咸缺佚·此則石門第一志也·以紀領目·亦復方雅·惟其例曰官師鄉達·見在不立傳·其官績可紀者·不妨疏列·以彰德行云云·此例若開·是非好惡·將因而紛起·非志體也·又此志成於十五年·而職官表知縣載至十七年之劉佐明·十九年之徐原·殆爲後來補入者·劉佐明下·復注革除雜派·力主清規·爲刁軍所構被參云云·卽屬輿論之公·亦敢貢諫之漸·不若悉行刪削之爲愈也·

道光石門縣志二十六卷 道光元年刊本

知縣事耿維祐主修·海甯潘文翰總纂·是志卷首曰天章·縣圖·卷一曰建置·星野·疆域·山川·卷二曰城池·市鎮·公署·卷三曰學校·卷四曰戶口·土田·物產·卷五曰賦役·卷六曰屬鄉·卷七曰倉廩·鹽法·驛傳·兵防·卷八曰水利·橋渡·卷九曰祠祀·寺觀·卷十曰古蹟·坊表·冢墓·卷十一曰職官·卷十二曰名宦·卷十三曰選舉·卷十四五曰人物上下·卷十六曰孝義·藝術·卷十七曰高賢·仙釋·卷十八九曰列女上下·卷二十曰經籍·卷二十一曰金石·卷二十二三曰藝文上下·卷二十三曰風俗·祥異·卷二十四五曰補遺上下·卷二十六曰辨證·爲目四十·爲卷二十有六·案康熙鄧志·沿新志例以紀統目·此則不立總綱·而析目四十·蓋與舊志異矣·然簡要清通·更人有覽·其蒐輯亦較前志爲富·土田賦役屬值水利諸門·尤詳而有法·辨正一卷·疏證亦明顯·其辨舊志元代徵米及賦役之誤·關係殊爲切要·其他各

條·亦均足糾舊志之失·非他志之專以詆譏前志爲能事者·所可比也·愚於斯編·獨無間然·

乾隆平湖縣志十卷 乾隆十年原刊本

知縣串高國樞纂修·是志卷一曰輿地志·其目曰圖說·建置·星野·疆域·山川·城池·津途·壇廟·卷二曰食貨志·其目曰戶口·田賦·倉儲·鹽課·物產·卷三曰學校志·其目曰規制·紀典·經籍·學田·卷四曰風俗志·其目曰禮儀·習尚·歲時·先祀·卷五曰秩官志·其目曰文職·武職·名宦·卷六曰選舉志·其目曰進士·舉人·科貢·恩例·卷七曰人物志·其目曰理學·行誼·事功·文苑·隱逸·廕門·卷八曰藝文志·其目曰奏議·詩賦·雜文·卷九曰武備志·其目曰海防·兵制·屯戍·卷十曰外志·其目曰釋道·災祥·叢記·凡爲志十·卷如之·爲子目五十有三·案平湖於乾隆朝有三志·曰高志·張志·王志·此其第一志也·綱舉目張·立體殊爲大雅·卽其例言寥寥數語·以亦通人之筆·顧蒐采則未宏富·如學校志之經籍門·初疑爲邑人著述書目·迨經披閱·則第學宮藏書·聖諭廣訓等十五種而已·讀其引言·亦爲虛目·爲之失笑·宜後人悉以王志爲宗也·此志寫刻裝印之精·可入善本之室·足見當時物力之饒·

光緒平湖縣志二十五卷 光緒丙戌年刊本

知縣串彭潤章主修·舉人葉廉鐸總纂·是志卷首爲天章·卷二曰地理·卷三四曰建置·卷五曰武備·卷六至卷八曰食貨·卷九曰祠祀·卷十至十一曰職官·卷十二曰宦績·卷十三四曰選舉·卷十五至二十二曰人

物·卷二十三曰經籍·卷二十四曰金石·卷二十五曰外志·案平湖志書·至乾隆王志而大備·王志列十二門·此則增經籍金石爲十四門·立體悉依王志·不事更張增修之法·乾隆以前皆遵王志·嘉道以後乃采之遺書·稽諸案牘·然亦應有盡有·不遺不濫·其經籍一門·本原路志·加以擴充·采羅甚富·人物門於總目但稱列傳一二三四·不加類別·而於列傳三四·仍存道學孝友諸門·以便檢閱·其例甚善·信近代之佳志也·

乾隆乍浦志六卷續纂二卷乾隆十二年原刊本

邑人宋景開纂修·是志卷首曰圖譜·卷一曰城市·卷二曰山川·卷三曰武備·卷四曰職官·卷五曰人物·卷六曰外紀·卷末曰題詠·案乍浦屬於平湖縣·然爲海防要區·明置二所·立城市·清則水師副都統駐焉·自龍湫山人李確·始撰九山志·然在山言山而已·此則用邑鎮志體·故先城市而後山川·又在此志前有宋嬰穎景謙之乍浦九山續補志·始因山而及城市·然於武備職官·猶闕如也·亦見許跋此則兼及武備以下數卷·並及外紀題詠·乃斐然成章矣·復附以乍浦志續纂一卷·乍川題詠續纂一卷·亦宋氏作·蓋乍浦志作始於乾隆丁丑·後乃得乍浦九山補志·又兩修邑志·時閱三紀·迄於壬子·故以後所見者·暨續增事蹟補錄之·爲續纂云·題詠續纂中·以所錄里人林中麒乍浦竹枝詞一百首·最有關於風俗遺事·應傳之作·景開字話桑·備志稱其博覽墳籍·勤於撰述云·

乍浦備志三十六卷道光七年刊本

里人鄭瓊撰。是志闕第一卷至第五卷。故序例目錄。及撰人姓名。並不詳。惟書末有許何跋。其大致謂自龍湫山人按即李確撰九山志。宋蘇齊先生作浦九山續補志。始本通志府志。參以圖經雜說。而山城海邑。與上國通都爭雄勝。今芷山先生。復細加考覈。於舊志之謬者正之。缺者補之云云。因即其所稱之字。並成書之年。窮爲尋索。乃於光緒平湖縣志列傳三文苑類得之。傳云。鄭瓊。字元培。號芷珊。諸生。穎敏工詩。纂作浦備志一書。於海濱文獻。頗爲賅洽云云。是此編蓋繼宋氏作浦志作也。若跋語稱是編據一統志以著二所廢置之年。據四庫提要以證九山定名之日。惜建置山川諸卷並闕。不得見之矣。茲錄其存者之目。日關梁卷六。古蹟卷七。積貯卷八。土產卷九。祥異卷十。海塘卷十一。兵制卷十二。汛守卷十三。軍餉卷十四。秩官卷十五至十七。宦績卷十八。選舉卷十九。祠祀卷二十。丘墓卷二十一。人物列傳卷二十二。孝友義行卷二十三。文苑卷二十四。隱逸介節行誼卷二十五。寓賢方技卷二十六。列女卷二十七。詩及詩餘卷三十三至三十五。雜記卷三十六。

乍浦志八卷乾隆二十二年刻本

清末景關撰。景關字今邨。號話桑。浙江平湖人。乍浦故海鹽東偏。今屬平湖縣。自錢氏吳越置鎮邊使。宋季設水軍統制。名稱稍著。元通海道。番舶駢集。明興經略防倭。築城遣戍。遂成重鎮。清四庫總目存目。有乍浦九山補志。清李確撰。九山者。雅山。苦竹山。湯山。觀山。龍湫山。疊頂山。高公山。益山。獨山也。平湖舊有九峰之名。而不得其地。確始考而定之。是書體例。視舊稍變。首圖譜。次城市。次山川。次武備。次職官。次人物。次外紀。末題詠。又附續纂。此編雖不僅志山。而九山固已包孕其中。

首陳山卽九山志龍湫山。乍浦題詠。載宋人卜祖仁陳山龍湫時。其他亦皆曰陳山。不曰龍湫山也。若外紀。具述倭爲湖患。自正統七年犯乍浦始。至嘉靖三十二年。禍乃劇焉。觀其始末。固亦當世得失之林也。

康熙桐鄉縣志五卷 康熙戊午年刊本

邑人仲安道纂修。是志凡分四部。卷一曰土地部。列建置。分野。形勝。山川。城隍。疆域。地畝。衙署。古蹟。倉廩。津梁。祠廟。第宅。市鎮。凡十四目。卷二曰人民部。列戶口。賦役。習尚。土宜。甲科。乙科。明經科。武科。成均掾吏。廵封。災祥。林墓。坊表。凡十四目。卷三曰政事部。列錢糧。學校。驛遞。秩祀。鹽政。兵政。水利。農桑。郵政。職制。秩官。宦績。凡十四目。卷四曰文獻部。列先賢。鄉賢。流寓。孝友。忠義。隱逸。節烈。方外。風詩。實爲九目。卷五曰文獻部。下列文藝一目。含之亦祇十目。乃於文獻部下注十二條。或續有刪削者歟。凡爲卷五。爲部四。爲目五十有二。案此志體例不甚完全。位置亦多失當。如林墓坊表。不與祠廟宅第。同隸土地部。此猶可說。乃以典藉附於坊表門。則難曲爲之詞矣。先賢之稱。非聖門弟子莫敢當。後世大儒。雖從祀兩廡。亦祇可稱先儒而已。茲志則於鄉賢之前。特立先賢一目。雖其自叙。謂以載未分邑前之諸賢。然不免淆混矣。至其以進士舉人貢生稱甲乙科。明經科。例監稱成均。雜職稱掾吏。皆不說明人習氣。非志例也。流寓列於孝友諸門之前亦失次序然仲氏以一人之力。肩鄉邦百年之文獻。至乃損其浮資。以供剝削之費。亦士大夫所難能者。說者視是爲大轅椎輪可矣。

嘉慶桐鄉縣志十二卷 嘉慶四年刊本

知縣李挺輝主修。平湖進士徐志鼎纂修。是志卷一曰沿革。疆域。山川。水利。城池。卷二曰公署。學校。壇廟。倉廩。津梁。驛遞。市鎮。卷三曰古蹟。坊表。園第。寺觀。冢墓。卷四曰地畝。戶口。蠲恤。鹽法。兵制。風俗。物產。卷五曰知縣。教諭。縣丞。宣讀。卷六曰荐辟。進士舉人。武進士。貢生。名選。封贈。卷七曰列傳。忠貞。文苑。孝友。隱逸。方技。流寓。卷八曰列女。卷九曰藝文。卷十曰詩賦。卷十一曰經籍。碑碣。卷十二曰方外。農桑。禮祥。叢記。凡爲目五十有一。爲卷十有二。案此作體例。乃入邑志正軌。雖不立總綱。而位置叙列以類相從。秩然不紊。於水利一門。詳其流貫。考訂亦極精詳。誠爲能見其大。至流寓一門。於范少伯梁昭明及明之張文憲。皆屏而弗錄。較諸假借名人。以光志乘者。相去遠矣。

光緒桐鄉縣志二十四卷 光緒丁亥年刊本

邑人嚴辰纂修。是編凡分十志。曰疆域志。子目八。曰建置志。子目十五。曰食貨志。子目十二。曰官師志。子目三。曰選舉志。子目二。曰人物志。子目十三。曰列女志。子目十二。曰藝文志。子目二。曰雜志。子目四。曰撰述志。子目二。冠以卷首。其目曰詔諭。曰天章。曰恩錫。曰巡歷。案此亦嚴氏一人手筆。其志乃與作康熙志之仲氏。同一可欽。若其立體博大。網羅宏富。元集諸舊志之成。爲此邦文獻之府。俞曲園謂其體大思精。文詳事覈。殆非虛譽。然其誤處。亦復時有。曲園議其於職官表中張如戴一人兩見。蓋宏光元年。而不善順治元年。以爲大誤。然張之祿官。實爲明授。甲申之歲。明社末亡。授官南都。自宜系以明之年號。此似未足爲大病也。至於以尊張楊國故。不爲施約庵立傳。則誠不免門戶之見。非秉筆者公

道矣。余尤病其卷首詔諭大章諸類。或爲覃恩普及之諭。或爲藝臣題畫之詩。累牘連篇。藉資冠冕。邑志之作。實爲媚茲之具。此則真可議耳。

順治湖州府志前編十二卷 順治七年原刊本

知府事程量纂修。是書卷一曰郡縣沿革。曰分野灾祥。曰城池疆域。卷二曰里畝戶口。曰風俗物產。卷三曰賦稅役。卷四曰山川井泉。曰古蹟名勝。卷五曰津梁寺觀。曰陵墓壇祠。卷六曰守令題名。卷七曰學校。卷八曰帝胄勳戚。卷九曰宦達題名。卷十曰名宦列傳。曰寓賢列傳。卷十一曰鄉賢列傳。卷十二曰備兵考。曰雜誌。凡爲卷十有二。爲門十有九。而以司教題名。附於學校。列女附於鄉賢。兵屯附於備兵考。其雜誌則分解署。郵遞。修築。郵錄。四目。案湖志首作於宋談論。明有成化勞志。嘉靖張志。隆慶栗志。此作則就栗志加以釐節。仍止於萬歷丙子。故名曰前編。當時侯徵集各傳志。彙續以成後志。則此志雖刊於順治初元。仍是明志也。其書簡要賅括。尚不失郡志體裁。惟校對頗次精詳。卷頁亦多殘闕。閱之殊增閱損。又考乾隆湖州府志著述門。載于琨湖州府志後編三冊。注云。康熙二十二年。同知于署府事。奉檄取明萬歷二年至本年事實。爲府志後編云云。然則此志固有後編。或未付刊耳。同治府志諸家序文。及其凡例。於明志後。但云乾隆之胡季志。於此志似未寓目。殆亦佩本。彌足珍已。

乾隆湖州府志四十八卷 乾隆二十三年重刊本

知府事胡承謨原輯。知府事李堂增刊。是志四十八卷。卷首爲圖。卷一曰星野。建置。形勝。恩賜。卷二曰海界。城池。官署。卷三曰學校。武備。卷四曰山水。卷六曰水。卷七八曰古蹟。卷九卷十曰寺觀。卷十一曰祠祀。卷十二曰陵墓。卷十三曰津梁。卷十五曰塘堰。村鎮。坊巷。卷十六七曰名宦。卷十八至二十二曰人物。卷二十三曰列女。卷二十五曰寓賢。藝術。釋老。卷二十六至三十五。爲表十六。曰帝王。后妃。封爵。監司。郡守。郡佐。州縣。州縣。佐學職。武職。進士。舉人。貢生。歷仕。薦舉。封蔭。卷三十六曰戶口。田賦。積貯。賑卹。卷三十七曰水利。榮。卷三十八曰祥異。卷三十九曰風俗。卷四十四十一曰物產。卷四十二三曰碑版。卷四十四至四十七曰著述。卷四十八曰勝集。案此志始修者程氏。成於乾隆四年。版燬於火。後守李氏。取程志更增二十年之事。復刊於二十三年。程氏此作。多取材於鄭元慶之湖錄。徐獻忠之吳興掌故。董斯張之吳興備志。王道隆之蕪城文獻諸書。搜羅固稱豐富。人物一門。用薛氏通志例。不分門類。亦爲得體。然亦有未察者。如李氏序云。湖郡志向稱勞王張栗四家。今俱散佚。順治初所修。雖本栗志。仍止於明神宗丙子云云。然本志卷四十五著述門補遺云。于琨湖州府志後編三冊。康熙二十二年。同知于琨署府事。奉檄取明萬歷二年至本年事蹟。爲府志後編云云。此補遺卽爲李氏所增修。而序文乃未及此何也。又勝集一門。率載名流倡和之作。多無關於郡事。徒資煊染。亦爲無謂。同治志刪之是矣。

同治湖州府志九十六卷同治十三年刊

知府事宗源瀚等主修。郡人丁寶書纂修。是志爲圖之卷一。爲表之卷十有五。其目九。曰天文。建置。疆

域·職官·帝王·后妃·列爵·選舉·封蔭·爲略之卷四十有五·其目六·曰輿地·經政·前事·金石·藝文·爲錄之卷二·其目一·曰名宦·爲傳之卷二十有八·其目十有二·曰列傳·政績·文學·孝義·列節·隱逸·武功·藝術·列女·寓賢·釋道·爲錄起之卷一·爲雜錄之卷三·爲辨證之卷一·都凡六十八卷·案此志規模宏大·體例精嚴·足與名郡相稱·洵爲佳作·列銜總纂者·雖有周學濬陸心源汪曰楨諸人·然但以名位相重·或資鑒定·或出藏書而已·始終任編纂者·惟歸安布衣丁賢書一人·不得不以纂修之名歸之也·其立體大致出入於會稽章氏之義例·而參以姑蘇志廣西通志廣東通志·變通化合·自具鑄鍊·此非通儒不辨也·官謂官書之成·每假手衆才·廣集群彥·道謀策室·往往自爲乖迂·其弊良多·前之朝邑武功·近之邳州海州·皆出一手·因稱名志·丁氏此作·殆其例歟·

光緒烏程縣志三十六卷 光緒七年刊

知縣事潘玉潛等主修·邑人汪曰楨纂修·是志卷一曰天文·建置·形勝·疆域·卷二曰城池·公署·學校·營汛·卷三曰山·卷四曰水·村鎮·卷五曰塘堰·津梁·卷六曰祠祀·陵墓·卷七曰古蹟·卷八曰寺觀·卷九曰職官·薦辟·進士·卷十曰舉人·貢生·封贈·修饗·卷十一曰名宦·卷十二至十九曰人物·卷二十至二十二曰列女·卷二十三曰儒賢·卷二十四曰方外·卷二十五曰戶口·田賦·卷二十六曰水利·卷二十七曰祥異·卷二十八曰蠶桑·風俗·卷二十九曰物產·卷三十曰金石·卷三十一三十二曰著述·卷三十三至三十六曰雜識·凡爲目三十有八·案烏程與歸安·並爲湖州附郭首邑·其爲乘當以合志爲宜·蓋烏程自宋太平興國中·吳越納土·始分烏程置歸安縣·則前事之分析甚難也·他不具論·卽以形勝·所引各

條。大致置之兩邑志。無不可者。然作者亦頗注意及此。其案注各語。並稱明晰。體裁亦甚大方佳志也。

光緒歸安縣志五十四卷光緒七年刊

知縣事呂懋榮主修。邑人陸心源總修。是編卷一之卷十三。曰輿地略。卷十四之卷十九。曰經政略。卷二十之卷二十三。曰藝文略。卷二十四之卷二十六。曰金石略。卷二十七曰前事略。卷二十八曰名宦略。卷二十九曰職官錄。卷三十曰恩錫錄。卷三十一三十二曰選舉錄。卷三十三之四十八。曰人物傳。卷四十九之五十二。曰雜識。凡爲略五。錄三。傳十六。議四。歸安爲吳興附郭大邑。民物浩穰。人文蔚茂。紀載宜其詳也。然自兵燹以後。志乘燬廢。有司搜羅。僅得殘缺過半之康熙志。陸氏爲海內藏書大家。與同志縱羅散失。成此鉅編。其有功於桑梓者實大。體裁尤佳。得以簡御繁之法。雖稍近冗長。而能限斷謹嚴。時有關疑待徵之處。可謂難矣。

乾隆烏青鎮志十二卷排印本

督捕同知董世齊纂修。是志卷一曰繪圖。星土。祥異沿革。疆域。卷二曰形勢。水利。農桑。卷三曰建置。卷四曰廟宇。古蹟。名勝。坊巷。卷五曰橋梁。鄉村。卷六曰祠廟。寺觀。卷七曰園第。墓域。風俗。土產。卷八曰職官。選舉。卷九曰人物。耆德。卷十曰藝術。流寓。賢母。節烈。卷十一曰釋老。藝文。卷十二曰著述。舊聞。存疑。案烏青鎮云者。烏鎮青鎮也。初名墩。後改名鎮。亦曰烏戍。地兼蘇浙。清

康熙間以湖州督捕同知駐之。自宋處士沈平字東舉者。始撰爲烏青記四卷。明陳觀手樂增訂之。清張炎貞題之。成烏青文獻。董氏治此鎮。乃原本沈作。而參陳李張之書。以成此志。分三十五門。凡十二卷。目謂文減事增。殆指陳李之作。非指沈書也。

光緒長興縣志三十二卷 光緒元年刊

知縣趙定邦等主修。是志卷一之上曰凡例。圖。舊志源流。自卷一下分列目次爲建置。沿革。疆域。城池。公署。學校。兵防。田賦。戶口。蠶桑。災祥。山水。壇廟。陵墓。古蹟。寺觀。風俗。物產。帝王。官職。選舉。例仕。名宦。人物。孝義。忠義。寓賢。列女。方外。藝文。碑碣。雜識。瑣錄。辨證。凡目二十有三。案此志蓋續嘉慶郡志者也。郡志成於錢竹汀宮詹之手。當時推爲名作。此編體例。無所變更。唯增列蠶桑。災祥。忠義。三門。蓋蠶桑爲邑之本業。宜知所重。災祥忠義。皆兵亂以後。所應特書者。以地以時。不可不增。其餘於碑碣門多所增補。以附誌之。潘列女三則。移入列女傳。並爲善補前志之失。此志刊成於光緒元年。不久遂歸寥落。至十八年。教諭孫德祖。復取十七年間之職官。選舉。暨列女之補傳若干。以及學宮之重修。善堂之規復。並分門附注於後。縣令邵氏。捐貲補刊黃印。以永其傳。此本蓋十七年補刊後本也。

康熙德清縣志十卷 康熙十二年原刊本